

四庫全書

子部

欽定四庫全書

太平御覽卷三百四十六

宋 李昉等 撰

兵部七十七

刀下

匕首

鋏

鉞

刀下

詩曰執其鸞刀

又曰鞞琫容刀

陶弘景刀劒錄曰董卓少時耕野得一刀無文字四面  
隱起作山雲文斫玉如木及貴示五官中郎將蔡邕邕  
曰此項羽刀也

又曰表紹在黎陽夢有人授一寶刀及覺果在牀前銘  
曰思紹思紹字也

又曰郭璞于太原得一刀文曰宜為將後遂為將軍及  
與蜀戰敗走遂失此刀

又曰王雙曾于市中買得一刀賣人曰得之者貴因之  
不見雙後佩之果為將將此刀與曹真真以一刀換之  
又曰鍾會克蜀於城都土中得一刀文曰太一刀會死  
入帳下王伯昇後渡浮江刀遂飛入水

又曰鄧艾年十二曾讀太山碑碑下掘得一刀黑如漆  
色長三尺餘上常有風氣冷淒淒然時人以為神賜

又曰孫權遣張昭代周瑜為南郡太守魯作一刀背上  
有盪寇將軍四字八分書

又曰蔣欽拜別部司馬造一刀文曰司馬古隸書

又曰周幼平擊曹公勝拜平虜將軍因造一刀遂銘曰

平

又曰董元代少果勇自打鐵作刀後討黃祖蒙衝挾河

元代引刀斷蒙衝纜分為二流大司馬號刀曰斷蒙刀

又曰潘文珪偏將軍為擒雲長拜固陵太守因刻刀曰

固陵

又曰朱理君少愛征討黃武中累功拜安國將軍作佩

刀文曰安國

又曰雲長為先主所重不惜身命自採武都山鐵為二刀銘曰萬人及雲長敗刀投於水

又曰張翼德初受新亭侯自命匠鍊赤珠山鐵為一刀銘曰新亭侯蜀帝大將也後被范強將此刀入吳又曰黃忠從先主定南郡得一刀赤如血於漢中擊夏侯軍一日之中手刀數百

又曰諸葛亮定黔中從青石祠過拔刀刺山沒刃不拔

而去行者莫測

又曰蜀主玄德令蒲元造刀五千口皆連環及刃口刻七十二鍊柄中通之兼有二字

又曰西晉司馬炎咸寧元年造刀八千口銘曰司馬

又曰東晉司馬晞永和五年於房山造五刃刀銘曰五方單符隸書

又曰前趙劉元海元熙二年造滅賊刀長三尺九寸隸字

又曰后蜀主李雄晏平元年造騰馬刀五百口隸字

又曰前涼張寔造刀一百口无故盡生文曰霸

又曰後趙石勒建平元年造一刀用五金工用萬人尖  
頭長三尺六寸銘曰建平隸書

又曰石勒未貴時耕得一刀銘曰石氏昌篆書

又曰石季龍建武十四年造一刀長五尺銘曰皇帝石  
勒氏隸書

又曰西涼李暠玄威元造珠碧刀銘曰百勝隸書



又曰前秦苻堅甘露四年造一刀用五千功銘曰神術  
隸書

又曰前燕慕容俊元年造二十八口刀銘曰二十八將  
又曰後燕慕容垂興元元年於中山造刀一口長三尺  
六寸隸書

又曰後秦姚萇建初元年造一刀長七尺一銘曰雄一  
曰雌隸字若叩即鳴

又曰西秦乞伏國仁建義三年造刀一口銘曰建義隸

字

又曰後涼呂光麟嘉元年造一刀銘背曰麟嘉長三尺六寸

又曰南涼禿髮烏孤初三年造一刀狹小長三尺五寸青色匠云當作之時夢見一人被朱衣云吾是太乙神故看爾作此刀有敵至必鳴後落突厥可汗處

又曰南涼慕容去明建平元年造刀四口文曰建平隸書

又曰北涼沮渠蒙遜永安三年造刀百口銘曰永安隸書

又曰夏赫連勃勃龍昇二年造五刀背上有龍雀環兼金鏤作一龍形長三尺九寸劉裕破長安得此刀後入梁

又曰北燕馮跋太平八年造一刀銘曰太平隸書

又曰宋高祖劉裕永初元年造一刀銘其背曰定國小篆書長八尺後入梁

又曰宋劉義符景平元年造一刀銘曰五色小篆書

又曰劉淮昇明元年掘得一刀銘曰上血其刀光照一室帝奇之常服至二年七月帝使楊玉夫候織女玉夫候不得懼死因用弑帝果如其銘故知吉凶其先兆

又曰齊高祖蕭道成建元二年克位造一刀銘曰定業長五尺篆書帝自制之

又曰明帝鸞建武二年造一刀銘曰朝儀刀小篆書長四尺

又曰後魏宣武帝以景明元年於白鹿山造白鹿刀  
書白鹿二字

又曰後魏元昭成帝建國元年於赤冶城鑄刀十口  
金鏤赤冶二字隸書

莊子曰庖丁為惠文君解牛丁曰今臣之刀十九年矣  
所解數千牛矣而刃若新發於硎彼節者有間而刀刃  
者無厚以無厚入無間恢恢乎其游刃必有餘地是以  
十九年而刀刃若新發於硎

列子曰周穆王征西戎獻赤刀切玉如泥

墨子曰墨子見齊王曰有刀於此試之人頭倅然斷之  
可謂利也王曰利墨子曰刀則利矣孰將受其不祥王  
曰刀受其利試者受其不祥墨子曰并國覆軍賊殺百  
姓孰為受其不祥王俯仰曰我受其不祥

孔叢子曰秦王得西戎利刀以之割玉如割木

淮南子曰屠牛坦一朝解九牛而刀可以剃毛

又曰鈛不可以為刀銅不可以為弩鐵不可以為弓木

不可以為斧

又曰金勝木者非以一刀殘林也土勝水者非以一塊塞江也

法言曰刀不利筆不銛宜加砥削

阮子曰裁國無利器猶鉞刀而望其巧

抱朴子曰金丹以塗刀辟兵萬里

論衡曰世諱礪刀井上恐刀墮井中或說以為刑之字井與刀也礪刀井上井刀相見恐被刑也

典論曰魏太子丕造百辟寶刀三其一長四尺三寸六分重三斤六兩文似靈龜名曰靈寶其二采似丹霞名曰含章長四尺四寸三分重三斤十兩其三鋒似崩霜刀身劔缺名曰素質長四尺三寸重二斤九兩又造百辟露陌刀一長三尺二寸重二斤二兩狀似龍文名曰龍鱗

聖證論曰昔國家有優曰史利漢氏舊優也云梁冀有火浣布切玉刀一朝以為誕而不信也正始初得火浣



布乃信

楚辭曰師望在肆昌何識

師望謂太公也昌文王名也言太公在市肆而屠何以知

識鼓刀揚聲后何喜

又曰鈐刀進御遙棄太阿

太阿劍名

張衡西京賦曰吞刀吐火雲霧杳冥畫地成川流渭通

涇

劉楨瓜賦曰折以金刀四剖三離

曹植寶刀賦曰建安中家父魏王乃命有司造寶刀五

枚三年乃就以龍虎熊馬雀為識太子得一余及余弟  
饒陽侯各得一焉其餘二枚家王自杖之賦曰有皇漢  
之明后思潛達而玄通飛文義以博致揚武備以禦凶  
乃熾火炎爐融鐵挺英烏獲奮權歐冶是營扇景風以  
激氣飛光鑑於天庭爰告祠于太乙乃感夢而通靈然  
後礪以五方之石鑿以中黃之壤規員景以定衆撼神  
思而造像垂華紛之歲甦流翠采之晁燿陸斬犀象水  
斷龍舟輕擊浮截刃不濺流踰南越之巨闕超有楚之

太阿寔真人之攸御永天祿而是荷

樂府歌曰秦家有女自名曰女休休年十四五為宗  
行報讎左執白陽刀右據宛景矛

張華詩曰吳刀鳴手中利劍嚴秋霜

古詩曰美人贈我金錯刀何以報之雙瓊瑤

後漢馬敬通刀陽銘曰脩爾甲兵用戒不虞見危授命  
臨事而懼

又刀陰銘曰溫溫穆穆配天之威苗裔無疆福祿來綏

後漢李尤錯佩刀銘曰佩之有錯抑武揚文豈為麗好  
將戒其身

又金馬書刀銘曰巧冶鍊剛金馬託形黃文錯鏤兼勒  
工名

魏文帝露陌刀銘曰於鑠良刀胡練亶時譬諸麟角靡  
所任茲不逢不若永世寶持

曹植寶刀銘曰造茲寶刀既礪既礪匪以尚武予身是衛  
麟角匪觸鸞距匪蹶

王粲刀銘曰相時陰陽制法利兵陸剽犀兕水截鯢鯨  
君子服之式章威靈

何晏斫猛獸刀銘曰徒搏不兵作戎宣邱用造斯器螭

獸是劉制禽允良昏明亶時永隆厥後蠲民之災

言作  
斬虎

刀銘曰螭  
虎是劉

晉張協把刀銘曰奕奕名金昆吾遺璞裁為把刀利亞切  
玉時文斯偃含精內燭威助雖化武不可黷

裴景聲文身刀銘曰良金百鍊名工展巧寶刀既成窮

理盡妙文繁波迴流光電

一作雷

照在我皇世戢而不耀

張協露陌刀銘曰露陌在服威靈遠振遵養時晦曜德

崇信

魏武策軍令曰孤先在襄邑有起兵意與工師共作卑  
手刀時北海孫賓碩來候孤譏孤曰當慕其大者乃與  
工師共作刀耶孤答曰能小復能大何害

曹植表曰昔歐冶改視鉦刀易價伯樂所賜駑馬百倍  
王濬表曰孫皓出紫行石頭還左右兵皆跳刀大呼云

要當為國家決一死戰魏帝尚以千人定天下況今  
有數萬衆自足辦事皓意大喜便開庫藏盡出金  
寶以賜予之小人無狀得便持走

陶侃表曰伏承大官厨器損失謹奉獻狼炙刀槃二具  
張衡與特進書曰以為鉉刀強可一割

謝尚與張涼州書曰今致五尺金斲頭刀一口

班固與竇憲牋曰今月中舍以令賜固刀把曰此將軍  
少小時常服今賜固伏念大恩且喜且慙

謝尚與楊征南書曰云今餉五尺金頭刀碧綾車中盾  
梁簡文帝謝勅賚善勝威勝刀啓曰水鍔含采彫琰表  
飾名均素質神號脫光五寶初成曹丕先荷其一二勝  
今造愚臣總被其恩錫韓非之書未足為比給博山之  
筆方此更輕

梁劉孝儀為晉安王謝東宮賜玉環刀啓曰苗峯珍鋌  
利極鈎鉞謹當擁以雄身藉而安體

七首



通俗文曰七首劔屬其頭類七故曰七首短而使用

周禮冬官桃氏職曰桃氏為劔臘廣二寸有半寸

臘謂兩刃

也兩從半之

鄭司農云謂劔脊兩頭殺趨邪者也

以其臘廣為之莖圖長

倍之

鄭司農云莖謂劍夾人所握鐔以上也玄謂莖在夾中中莖長五寸也

參分其臘廣

去一以為首廣而圖之身長五其莖長重九錡

音刷

謂之

上制上士服之身長四其莖長重七錡謂之中制中士

服之身長三其莖長重五錡謂之下制下士服之

上制長三

尺重三斤十二兩中制長一尺五寸重二斤十四兩三分兩分下制長二尺重二斤一兩三分兩之一此今之

七首也各以其形貌大小帶之此兩謂國勇力之士能用五兵者也樂記武王克商禪冕緝笏而虎賁之士說也劍

史記曰燕丹使荆軻刺秦王預求天下名匕首趙人徐夫人匕首取之百金使工以藥淬之以試人血濡縷無不立死者摘秦王不中見誅

漢書曰王莽避火宣室持虞帝匕首

東觀漢記曰鄧遵破匈奴得劍七首二三千枚

魏志曰典韋好節俠襄邑劉氏與睢陽李禮為仇韋為

報之懷七首入殺禮徐步而去

後魏書曰叔孫俊字醜歸少聰敏十五內侍左右以便  
弓馬轉獵郎太宗初以俊爪牙與磨渾等拾遺左右遷  
衛將軍賜爵安城公朱堤王悅懷刃入禁中欲為大逆俊  
覺悅動有異便引手於悅懷中得兩刃七首遂執悅殺  
之太宗以俊功重軍國大計皆委之

說苑曰秦王以五十里封鄢陵君鄢陵君辭不受使唐  
且謝秦王秦王怒曰嘗見天子之怒乎一怒伏尸百萬

流血千里唐且曰大王嘗聞布衣韋帶之士怒乎一怒  
伏尸二人流血百步即案其七首起曰今將是矣王變  
色長跪曰先生就坐寡人喻矣秦破韓滅魏鄢陵獨以  
五十里存者徒用先生故乎

零陵先賢傳曰劉璋請玄德璋將楊懷數諫備亦設宴  
請璋子禕及懷酒酣備見懷佩七首備出其七首謂曰  
將軍七首好孤亦有可得觀乎懷與之備得七首謂懷  
曰汝小子何敢聞我兄弟之好邪懷罵言未訖備斬之

典論曰昔周魯之寶赤刀孟勞楚越稱太阿純鈎余善  
擊劔能以短乘長故選茲良金命彼國工精而鍊之至  
于百辟其始成也五色充鑪巨橐自鼓靈物彷彿飛鳥  
翔舞以為三劔三刀三七首因姿定名以銘其拊惜乎不  
遇薛燭青萍也其三劔一曰飛景長四尺二寸二曰流  
采長四尺二寸三曰華鋌色似虹長四尺二寸其三刀  
一曰靈寶長四尺二寸似靈龜二曰含章采似丹靈  
長四尺四寸三曰素質長四尺三寸刀身而劔缺其三

匕首一曰清剛長二尺三寸光似堅水冰二曰楊文長  
二尺一寸重一斤六兩曜似朝日三曰龍鱗狀似龍文  
又曰昔周魯寶鹿狐之戟屈盧之矛狐父之戈徐氏七  
首凡斯皆上世名器用子雖文事必有武備矣

諸葛亮教曰作部仲匕首五百枚以給騎士

鹽鐵論曰荆軻懷數年之謀事不就者以尺八匕首不  
足恃也

神仙傳曰有書生姓張就李仲文學隱術久無所得患

之張懷七首斫之仲文笑曰我寧可殺

拾遺記曰漢太上皇微時常佩一刀長三尺上有銘字  
雖難識疑是殷高宗伐鬼方時物也上皇遊豐沛山中  
寓居窮谷裏有冶鑄上皇息其傍問曰此鑄何器工笑  
答曰天子鑄劍慎勿泄上皇謂辭戲無疑色工人曰今  
所鑄剛礪製器難成若得翁腰間佩刀雜而冶之即成  
神器可以尅定天下昴星為輔以殲三猾木衰火盛此  
為異兆上皇曰余此物為七首其利難傳水斷虬龍陸

斬虎豹魑魅魍魎莫能逢之切玉鑄金其刃不卷工人  
曰若不得此七首以和鑄雖歐冶專精越砥斂鐔終為  
鄙噐上皇即解之以投鑪中俄而煙燄衝天日為之晦  
及乎劍成殺三牲以饗祭工問上皇曰何時得此七首  
答曰秦昭襄王時余時行逢一野人於野授余云是殷  
高宗初時物此世世相傳上有古書字記其年月及成  
劍工人視之其銘尚存叶前疑也工人即持以授上皇  
上皇賜高祖高祖長佩於身以殲三猾天下已定呂后



藏於瑤庫之中守藏者見白氣如雲龍蛇庫名曰靈金  
藏及諸呂擅權白氣亦滅案鈞命決蕭何為昴星精項羽陳  
勝胡亥為之三猾

晉張載七首銘曰先民造制戒豫惟謹七首之設應速  
用近既不忽備亦無輕忿利以彰彰功以道隱

鈇

史記曰馮驩聞孟嘗好客見之君置之傳舍五日彈其  
劍鈇而歌曰長鈇歸來兮食無魚君遷之幸舍五日彈

其缺歌曰長缺歸來兮出無輿又遷之代舍五日又彈  
其劍歌曰長缺歸來兮無以為家一出戰國策

曹子建詩曰長缺鳴鞘兮

晉張協長缺銘曰五才並建金作明威長缺陸離弭凶  
防違素刃霜厲溢景橫飛

又短缺銘曰器用名品詭制殊觀亦有短缺清暉載爛  
昔在光明戢兵靜亂惟皇寶之優而弗玩

左思吳都賦曰毛群以齒角為矛缺

劉摛林注曰缺刀  
身劍鋒有長有短

也

鉞

說文曰鉞鉞有鐔也

左傳曰昭七年吳公子光伏甲於窟室而享王門階戶  
席皆王親也夾之以鉞羞者薦體抽劔刺王鉞交於臂  
左思吳都賦曰羽族以背距為刀鉞

鉞兩刃  
小刀也

太平御覽卷三百四十六

欽定四庫全書

太平御覽卷三百四十七

宋 李昉等 撰

兵部七十八

弓

釋名曰弓穹也張之穹隆然也其末曰簫言簫梢也又謂之弭以骨為之滑弭弭也中央曰弣弣撫也所撫持也簫跗之間曰淵淵宛也言宛曲也

說文曰弓近窮遠象形也彊音雕又畫弓也弭弓無緣

可以解驂脈也弣許緣反角弓也弧木弓也一曰往體寡

來體多曰弧弣尺招切弓反也彊音權弓曲也繇弓便利

也張弛弓絃也彊烏郭切弓急張也彌拍生切弓強貌也彎

持弓關矢也蒲弓有所向也弘弓聲也

又曰韞音暢獨音暢韞音暢弓衣也

又曰角觴音端獸狀似豕角善為弓出胡尸國一曰出休尸國

山海經曰少皞生般始為弓矢郭璞注曰般音班世本云牟夷作矢揮作弓

天一器作者兩人於義  
有疑此言般作之是也  
帝後賜羿彤弓素瓚以扶下國

以射除患扶  
助下國也  
世本曰揮作弓  
宋衷注曰揮黃帝臣也

孫卿子曰倕作弓龍魚河圖曰弓之神名曰典張

太公兵法

又曰弓神  
名曲張

方言曰弓藏謂之鞞

音獨箭衣也

爾雅曰弓有緣者謂之弓  
郭璞注曰即今宛轉弓也  
無緣者謂之弭

今之角  
以金者謂之鈇以辱者謂之珧  
玉者謂之圭

用金

蚌玉飾弓兩頭  
因以為名也

易曰弦木為弧剡木為矢弧矢之利以威天下蓋取諸  
睽

又曰公用射隼于高墉之上獲之無不利

又曰先張之弧

尚書曰和之弓在東房

孔安國注曰和古之弓人

又曰平王錫晉文侯彤弓一彤矢百旅

音盧

弓十旅矢千

又曰備乃弓矢

詩曰彤弓天子錫有功諸侯也彤弓昭分受言藏之

又曰駢駢角弓翩其反矣

駢駢調利也

又曰弓矢斯張

又曰四牡翼翼象弭魚服

鄭玄註象弭弓反末擊者以象骨為之以助御者擊必袂

切

禮記曰男子生桑弧蓬矢以射天地四方

註云天地四方男子所有

事也

又曰凡遺人弓者張弓尚筋弛弓尚角

弓有往來體皆欲其下曲墮然

左手執籥右手承拊

籥井頭也

尊卑垂帔

帔佩中垂授之儀尊卑



也一

又曰越棘大者天子之戎器也

又曰良弓之子必學為箕

又曰武王克商後干戈弓矢包之以虎皮

周禮曰司弓矢掌六弓四弩八矢之法辨其名物而掌

其守藏與其出入仲春獻弓弩仲秋獻矢箛

弓弩成於和矢箛成

於堅也服盛矢器也獸皮為之

及其頒之王弓弭弓以受射甲革楛

質者夾弓庾弓以受射矜

音崖

侯鳥獸者唐弓大弓以授

學射者及使者勞者

王弧夾庾唐大兵者弓異體之名往體寡來體多曰王弧往體多來

體寡曰夾庾

天子之弓合九而成規諸侯合七而成規大夫

合五而成規士合三而成規句者謂之敵弓凡祭祀共

射牲之弓矢

射牲者示親殺也國語曰郊之事天子必自射其牲

澤共射椹質之

弓矢

鄭司農云澤宮也所以習射選士之處也射義曰天子將至必先習射於澤者所以擇士也

大

射燕射共弓矢如數

又曰庭氏掌射國中之妖鳥

馬融傳曰國中妖鳥梟鴉惡聲之鳥也

若不

見其鳥獸則以救日之弓與救月之矢夜射之

獸虎狼嗥鳴也

救日食則伐鼓北面射太陽救月蝕則伐鼓南面射太陽以此弓矢射之若其神也則以太

陰之弓與枉矢射之

枉矢名也

又曰弓長八尺謂之庇軹五尺謂之庇輪四尺謂之庇

軹

軹軹末

又曰弓人為弓取六材必以其時六材既聚巧者和之幹也者以為遠也角也者以為疾也筋也者以為深也膠也者以為和也絲也者以為固也漆也者以為受霜露也

六材之力相和而足

凡取幹之道七柘為上櫪次之檠桑次

之橘次之木次之荆次之竹為下凡相幹欲赤黑而

陽聲赤黑則嚮心陽聲則遠根

陽猶清也

几析幹射遠者用

勢射深者用直凡為弓冬析幹而春液角夏治筋秋合

三材冬定體為弓長六尺有六寸謂之上制上士服之

弓長六尺有三寸謂之中制中士服之弓長六尺謂之

下制下士服之

人各以其形貌大小用此弓也

又曰弓力有三均謂之九和安弓危矢危弓安矢

儀禮曰司射告賓曰弓矢既具有司請射賓與大夫弓倚

于西序矢在弓下

左傳曰王賜晉文公彤矢百旅弓十旅矢千

又曰武王克商作頌曰載櫜弓矢

又曰楚子享公于新臺使長鬣者好以大屈

宴好之賜大屈弓名

也

又曰舟堅射陳武子中手

舟堅季氏臣也

失弓而罵

武子罵也

又曰周公相武王以尹天下於周為睦分魯公以大路

大旂夏后氏之璜封父之繁弱

封父古之諸侯也繁弱大弓名也

封之

於少昊之墟

又曰魯伐齊士皆坐列顏高之弓六鈞皆分取傅而觀

之

顏高魯人也三十斤為鈞六鈞一百八十斤也故異之

又曰子蕩以弓楛華弱于朝

又曰陽虎稅甲如公宮取寶玉大弓以出

又曰齊景公田于沛招虞人以弓不進公欲執之辭曰  
旌以招大夫弓以招士皮冠以招虞人臣不見皮冠故  
不敢進

又曰晉楚戰於鄆陵郟至三遇楚子之卒見楚子必下

免胄而趨風楚子使工尹襄問之以弓

杜預註曰問遺之也

又曰楚靈王次于乾谿右尹子革夕王與之語曰昔我

先王熊繹僻在荆山唯是桃弧棘矢以供禦王事

穀梁曰八年盜竊大弓大弓者武王之戎弓也周公受

賜藏之魯

焦贛易林曰桃弓葦戟除殘去惡

郭璞毛詩拾遺曰象弭魚服毛云弭弓反末以象骨為

之蓋俗說文誤也

左傳曰左執鞭弭弭者弓之別名謂以象牙為弓今西方有以犀角及鹿為弓者

春秋佐助期曰天弓主司弓弩之張神名推亡

史記曰上迎寶鼎於中山有路弓乘矢集獲壇下

又曰黃帝騎龍上天小臣不得上悉持龍髯髯拔墮墮黃帝之弓百姓望帝抱其弓而號後世因名其弓曰烏號



又曰漢高祖擒韓信信曰高鳥盡良弓藏敵國滅謀臣  
亡天下已定我固當烹

又曰子貢說越王以兵從吳伐齊越王乃使以秦屈盧  
之弓步光之劍以賀

續漢書曰鮮卑亦東胡之支也禽獸異於中國者有野  
馬羴羊角端牛以角為弓世謂之角端弓者也

東觀漢記曰祭彤為遼東太守至則厲兵馬遠斥候彤  
有勇力能貫三百斤弓

又曰蓋延字巨卿漁陽要陽人以氣聞身長八尺彎弓  
三百斤

謝承後漢書曰朱穆為尚書歲初百官朝賀有虎賁當  
階置弓於地謂群僚曰此天子弓誰敢干越百僚皆避  
之穆呵之曰天子之弓當戴之於首上何敢置地大不  
敬即收虎賁付獄治罪皆肅然服之

張璠漢記曰陳球為零陵太守州兵朱蓋等反與桂陽  
賊胡簡數萬人轉攻零陵球城守弦大木為弓羽矛為

矢引機發之遠射十餘步斬朱蓋等

魏志曰句驪別種居小水因名小水貂出好弓所謂貂弓也挹婁弓長四尺力如弩弓用楛長尺八寸青石為鏃古肅慎國也

魏要畧曰北方有橐離之國其王侍婢有身王欲殺之婢云有氣如鷄子來下我故有身後生子王指之于溷中猪以喙噓之徙馬開馬以氣噓之王疑以為太子令其母牧畜之名曰東明常令牧馬東明善射王怒奪其

國欲殺之東明走南至奄水以弓擊水魚鼈浮為橋東明得渡魚鼈解散追兵不得渡東明因都王夫餘之

地

王隱晉書曰劉琨與丞相牋曰不得進軍者實困無食殘民鳥散錄召之日皆披林而至衣服藍縷木弓一張荆弓十雙

晉中興書曰符捷凶暴露刀張弓椎鉗鋸鑿殺人弓具備置左右

晉令曰弓弩士習射者給竹弓角弓皆二人一張

沈約宋書曰蕭思話為梁州太祖賜以弓琴手勅曰丈人頃何所作事務之暇故以琴書為娛耳并往乘弓一張材理乃快先所常用既久廢射又多病畧當不能制之便成老公令人歎息良材美器宜在盡用之地丈人真無所與讓也

梁書曰羊侃膂力絕人所用弓至二十石馬上用六石弓

三國典畧曰齊綦連猛有勇力梁使來聘有武藝人求  
欲相角猛帶兩鞬左右馳射併取四弓疊而挽之梁人  
嗟服

後魏書曰傅融性豪爽有三子靈慶靈根靈越並有才  
功融以此自負謂足為一時之雄嘗謂人曰吾昨夜夢  
有一駿馬無堪乘者人曰何由得人乘之有一人曰唯  
有傅靈慶堪乘此馬又有弓一張亦無人堪引有一人  
曰唯有傅靈根可以彎此弓又有數紙文書人皆讀不

能解此丈有一人曰唯有傅靈越可以解之融意謂其  
三子文武材幹堪以駕馭當世常密謂鄉人曰汝聞之  
不曷虫之子有三靈此圖識之丈也好事者然之故豪  
勇之士多相歸附

唐書曰太宗謂蕭瑀曰朕少好弓矢自謂能盡其妙近  
得良弓十數以示弓工乃曰非良材也朕問其故工曰  
木心不正脉理皆邪弓雖剛勁而遣箭不直非良弓也  
朕始悟焉朕以弧矢定四方使弓多矣有天下之日淺

得為治之意固未及於弓弓猶失之何況於治乎自是  
遂延耆老問之政術京官五品已上更宿中書內省上  
每延與語詢訪外事務知百姓疾苦政教之得失焉

家語曰楚共王出遊亡其烏噪之弓

烏噪良弓名也

左右請求

之王曰止也楚人失弓楚人得之又何求焉孔子聞之  
曰惜乎其不大也宜曰人遺弓人得之而已何必楚也  
又曰弓調而後求勁焉

國語曰周宣王時有童謡檠弧箕服實亡周國有夫婦



鸞是器者王執而戮之乃奔褒

賈逵注曰箕木名服矢筒

得弃女子

於野而養之是為褒姒卒以衰周

又曰更盈待魏王見一鴈過曰臣能遙弓而落鴈乃彎

弓向鴈鴈即落

又曰鄆之戰邾至三遂王卒王使工尹襄問之以弓邾至甲冑而見客免冑而聽命

韓詩外傳曰齊景公使人為弓弓人之妻曰此弓者泰山南烏號之柘燕牛之角荆麋之筋河魚之膠四物者

天下之良材也

戰國策曰楚人有好以弱弓微繳加歸鴈之上者頃襄王聞召而問之對曰見鳥六雙王何以不聖人為弓以勇士為繳時張而射之此六雙者可得而囊載也

越絕書曰麻林山勾踐欲伐吳種麻為弓弦使齊人守之

典畧曰蘇秦說韓宣王曰今韓地方九百里帶甲數十萬強弓勁弩皆射六百步之外

劉向說苑曰齊攻魯子貢見哀公謂求救於吳公曰奚先君實之用子貢曰使吾實而與我師是不可恃也於是以楊幹麻筋之弓六往

江表傳曰高句驪王遣使貢孫權角弓

吳時外國傳曰扶南之先女人為主名柳葉有模跋國人字混慎好事神一心不懈神感至意夜夢人賜神弓一張教載賈人舶入海混慎晨入廟於神樹下得弓便載大船入海神迴風令至扶南柳葉欲劫取之混慎舉

神弓而射焉貫船通度柳葉懼伏混慎因至扶南

鄴中記曰石虎女騎皆手持雌黃宛轉角弓

遁甲開山圖曰河東有獨頭山多青檀可以為良弓

括地圖曰神弓在南山石泥渚中

三禮圖曰彤弓天子所用茲弓卿以下所用也

崔豹輿服注曰兩漢京兆河南尹及執金吾同隸校尉  
皆使人導引傳呼行者止坐者起四人持角弓走者射  
之有乘高闕者亦射之晉魏設弓而不用焉

古史考曰烏號柘樹枝長而烏集將飛枝彈鳥鳥乃號呼以柘為弓因名曰烏號

風俗通曰烏號弓者柘桑之枝枝條暢茂鳥登其上垂下着地鳥遍去從後撥殺取以為弓因名烏號耳

又曰白鸚古弓名

沈懷遠南越志曰宋昌縣有棘竹長十尋俚人取以為弓

又曰沙麻竹人削以為弓弓似弩淮南所謂浮子弩也

南州異物志曰烏澣國有弧竹皮厚寸餘破以作弓長四尺名曰弧弓

廣志曰緣沉古弓

博物志曰徐偃王既治其國仁義著聞欲舟行上國乃通溝陳蔡之間得朱弓矢以已得天瑞遂因名為號自稱徐偃王

列女傳曰晉平公使工人為弓三年乃成射不穿一札公怒將殺工其妻繁人之女也見公曰妾之夫造此弓

亦勞矣幹生太山之阿一日三覩陰三覩陽傳以燕牛  
之角纏以荆麋之筋糊以河魚之膠此四者天下選也  
而不穿一札是君不能射也而反欲殺妾之夫不亦謬  
乎妾聞射之道左手如拒右手如附枝右手發之左手  
不知此射之道也公以其言為儀而穿七札弓工立得  
出賜金三鎰

綦母遽注曰繁人官名札鎰也燕角善楚筋細河膠粘也

管公明別傳曰信都令家中婦女盡驚更疾病使公明  
為占之卦成語曰君北室牀西頭當有兩死男人一鬼

持矛一鬼持弓箭頭在壁中脚在壁外持矛者主刺頭  
故頭重痛不得舉持弓箭者主射胃腹故心中懸痛不  
得飲食晝則浮遊夜還病人故驚恐若徙其屍柩便皆  
丁強於是令歸室中果得兩敗棺中有角弓及數箭物  
已久遠木消爛徙骸理之合家皆愈

洞林曰曲阿令趙元瞻兒字虎舒從吾學卜自求著作  
卦見吾有盛艾小陵龜欲得之不與語之曰當作卦相  
為致此物合自來復數日果有一龜入廐虎舒後見吾



言偶有一物試可占之若得當再拜輪一好角弓即使作卦曰索卦之是為龜虎舒奉弓起再拜

老子曰天之道其猶張弓乎高者抑之下者舉之

列子曰紀昌學射於飛衛飛衛曰爾先學不瞬而後能又使學視小如大紀昌斃虱於牖南面而望之三年之後如輪觀物皆丘山也乃以燕角之弧朔蓬之幹射之貫虱之心而懸不絕

孟子曰不仁不智無禮無義人役也人役而恥為役猶

弓人而恥為弓

孔叢子曰楚王張繁弱之弓載忘歸之矢射蛟龍於雲

夢

胡非子曰一人曰吾弓良無所用矢一人曰吾矢善無所用弓羿聞之曰非弓何以往矢非矢何以中的令合弓矢而教之射

孫卿子曰繁弱鉅黍古之良弓也

又曰天子雕弓諸侯彤弓大夫黑弓禮也

魯連子曰楚王成章華臺酌諸侯酒魯君先至楚王悅之與大曲之弓

闕子曰宋景公謂弓人曰為弓亦遲矣對曰臣不得見公矣公曰何也臣之精盡於弓矣獻弓而歸三日而死公張弓登虎圈之臺東面而射矢踰西霜之山集彭城之東其餘力逸勁飲羽於石梁夫盡精於一弓而身為矢死況治天下奈何其獨也

尸子曰鴻鶴在上杆弓鞞弩待之若發若否問二五弗

知非二五難計也欲鴻之心亂也

抱朴子曰金弧玉弦無激天之長

又曰農夫得彤弓以驅鳥南成得袞衣以負薪猶世人得仙丹而不貴

淮南子曰射者扞鳥號之弓彎綦衛之箭

扞張弓彎引也綦美箭所

出地名也衛羽也鳥號柘桑其材堅勁鳥時其上及飛至枝必挽下勁能復起操鳥隨之鳥不敢飛號呼其上伐其材以為弓因曰鳥號之弓也下說黃帝鑄鼎鍾於湖得道而仙乘龍上天其臣援弓射龍欲下黃帝不能也鳥于也號呼也於是抱弓而號也自以名其弓為鳥號之弓也重之羿逢蒙子之巧

以要飛鳥猶不能與羅者競多

羿言諸侯有窮之君也  
連蒙羿弟子皆攻射而

百發百中故曰之  
巧要取競逐也

何則以所持之小也

又曰淇衛筭路

筭路箭竹也出于  
淇地衛箭羽也

飾以銀雖有薄縞然

獨猶不能穿也若假之筋角之力弓弩之勢則貫兕甲  
而經於革楯矣

又曰典張弓名也一名彷徨弓

又曰宛轉弓今之弭弓是也

呂氏春秋曰齊宣王好射說人之謂已能用強弓也其

嘗所用弓不過三石以示左右左右皆試引之中間而

止

至于一半而止

皆曰此不下九石非王孰能用是宣王所用

不過三石而終身自以為用九石豈不悲哉非直士其孰能不阿主故亂國之主患乎用三石為九石

又曰萬人操弓共射一招招無不中

招謂的也

杜夷函求曰弓折由射者之數劔缺因用之者多

新序曰楚熊渠子夜行見寢石關弓射之滅矢飲羽下視知石也却復射之矢摧無迹

譙子法訓曰善耕者足以謹地待時而動善射者調弓定準見可而發君子養其入足用

韓陽天子要集曰弧者天弓備盜賊

楚辭曰帶長劍兮挾秦弓

言身死帶劍弓示不含武也

劉邵趙郡賦曰其器用則六弓四弩弩綠沉黃間堂溪魚腸丁令角端

陳琳武軍賦曰弓則烏號越棘繁弱角端象弭繡質哲  
附文身

唐太宗詠弓詩曰上弦明月半激箭流星遠落鴈帶書  
驚啼猿映枝轉

後梁宣帝詠弓詩曰虞人招不進繁氏久彌工已悲軒  
主跡復挹楚王風

楊師道奉和詠弓詩曰霜重麟膠勁風高月影圓烏飛  
隨帝輦鴈落逐鳴絃

齊王融謝武陵王賜弓啓曰殿下摘藻蕙樓暢藝蘭苑  
敷積玉於風筵疊連珠於月的兔園掩秀鄴水慙奇融



揖讓未工濫陪升飲之賞操弧反正謬奉招賢之賜丈  
韜鏤景逸幹稍雲玩溢百齡佩流千載

晉嵇含木弓銘曰烏號之樸豐條足理弦弧走栝截飛  
駭止射隼高墻出必有擬既用禦武亦以招士

李尤良弓銘曰弓矢之作爰自曩時鄉射載禮招命在  
詩妙稱顏高巧發由基不爭之美亦以辨儀

太平御覽卷三百四十七

欽定四庫全書

子部

太平御覽卷三百四十八至  
五十三

詳校官中書臣葉元符

員外郎臣牛稔文覆勘

總校官降調編修臣倉聖脈

校對官中書臣李荃

謄錄監生臣莊文耀

欽定四庫全書

太平御覽卷三百四十八

宋 李昉等 撰

兵部七十九

弩

釋名曰弩怒也有勢怒也其柄曰臂似人臂也鈎弦者  
曰牙似齒牙也牙外曰郭為牙之規郭也下曰縣刀其  
形然也合名之曰機言如機之巧也亦言如門戶樞機

開闔有節也

說文曰洛陽名弩曰弣穀弩也彊滿弓也

霍音

古史考曰黃帝作弩

廣雅曰鉅忝弓谿子弩

太公兵法曰弩之神名遠望

尚書曰若虞機張往省括于度則釋

尚書帝命驗曰王弩發驚天下

秦有枉矢西流枉矢即弩星也兵趙主天下見

之而驚西成類出高將下

成類謂秦始皇也呂不韋之妻姓身而秦襄王納之生始

皇高謂丞相趙高始皇出趙  
高下言天生之也賤或為賊

史記曰龐涓追孫臏

音臏

臏量其行暮當至馬陵馬陵道

狹而旁多阻險可伏兵乃大斫樹白而書龐涓死此下  
於是令齊軍善射者萬弩夾道而伏期日暮見火舉而  
俱發龐涓夜至斫木下見白書乃鑽火燭之讀書未畢  
齊軍萬弩俱發魏軍大亂龐涓自知智窮兵敗乃自剄  
曰遂成賢子之名

又曰高祖阨於冒頓平城天下歌曰平城之下亦誠苦

七日不食不能殼弩

殼張也音進

又曰始皇葬驪山令匠作機弩矢有所穿近輒射之

又曰蘇秦說韓王曰谿子距忝射六百步之外

許慎曰南方谿

子蠻之弩皆善射

又曰蘇代遺穰侯書曰以天下攻齊如以千鈞之弩決潰癰也

又曰漢王臨廣武數項羽十罪項羽大怒令伏弩射中漢王傷脅乃捫足曰虜中吾指

漢書曰李廣傳曰廣為匈奴所擊廣身自以大黃射其

裨將

服虔曰大黃肩弩也

又曰申屠嘉梁人也以材官蹶張

如淳曰材官皆多能脚踈強弩張之故曰

蹶張律有蹶張生

從高帝擊項籍

又曰李陵至浚稽與單于相值騎二萬圍陵陵軍居兩山間以大車為營陵引士出營外為陣前行持戟盾後行持弓弩虜見漢軍少直前就營陵搏戰攻之射弩俱發應弦而倒

又曰司馬相如為中都建節印笮至蜀太守下郊迎縣令負弩矢先驅蜀人榮之

又曰霍去病為驃騎將軍過河東河東太守郊迎負弩先驅

續漢書曰虞詡為武都太守虜來攻城詡出戰使強弩

射之三發而三中虜衆亂

謝承後漢云  
寇攻城也

東觀漢記曰耿恭在疏勒城救兵不至恭食盡窮困士乃煮鎧弩食其筋革恭與士推誠同死生故無貳心



後漢書曰宋則子年十歲與蒼頭共弩射蒼頭弦斷矢激誤中之即死奴叩頭就誅則察而恕之潁川荀爽深以為美時人亦服焉

又曰永平中黃巾賊起郡縣皆棄城走陳愨王寵有強弩數千張出軍都亭

置軍營於國之都亭也

國人素聞王善射不

敢反叛故陳獨得完百姓歸之者衆十餘萬人

又曰陳愨王寵善弩射十發十中中皆同處

華嶠後漢書曰陳愨王寵善射弩其秘法以天覆地載

參連為奇又有三微三小三微為經三小為緯經緯相將萬勝之方然要在機牙其射至十發十中

魏氏春秋曰諸葛亮損益連弩謂之元戎以鐵為矢矢長八寸一弩十天俱發

吳志曰甘寧字興霸巴郡臨江人也

吳書曰寧本南陽人也

招合

輕薄少年為之渠帥羣聚相隨挾持弓弩負貺帶鈴民聞聲即知是寧也

吳錄曰松梁山山石開處容數十丈高竹弩不及其上

在澧州

晉書曰嵇紹傳云齊王問被誅初兵交紹奔散赴官有持弩在東閣下者將射之遇有殿中將兵蕭隆見紹姿容長者疑非凡人趣前拔箭於此得免

又曰劉聰將趙染寃殺其長史魯徽染寇北地夢魯徽大怒引弓射之染驚悸而寤旦攻城將射中弩而死

又曰孟幹為吳人所獲將徙之臨海幹等志北歸慮東徙轉遠以吳人愛蜀側竹弩言能作之暗留付作部伎

幹逃至京都

又曰崔鴻薦郝詵自代詵後劾奏鴻曰我舉郝詵而反  
奏我是挽弩自射

晉陽秋曰初高祖勒兵闕下經曹爽門爽帳下督嚴世  
引弩將射高祖孫謙止之曰未可知三注三止高祖車

乃過

世說  
又載

又曰馬隆討涼州虜隆募限要引弩四十六鈞弓限四  
鈞已上隆捶擗音標懸弓弩擗側閱試自旦至中得三千

五百人

唐書曰李希烈既陷汴州乘勝東侵連陷陳留雁丘頓  
軍寧陵期下宋州會食浙西節度韓滉命王栖曜將弩  
數千夜入陵希烈不之知晨朝弩矢及希烈坐帳希烈  
驚曰此江淮弩士今入矣遂不敢東希烈夜敗

晉諸公讚曰都官從事程偉案狀羊琇音商所犯狼籍琇  
即遣家人持銅弩牙首入重法時人皆謂琇有權智世

祖詔遷琇官

英雄記曰王匡字公節太山人以任俠聞辟大將軍何  
進府使匡於徐州發強弩五百西詣京師會進敗匡還  
鄉

又曰袁紹擊公孫瓚先令麴義領精兵八百強弩千張  
以為前登

又曰袁尚使審配守鄴城曹操進軍攻鄴生獲配謂曰  
吾近行圍弩何多也配曰猶恨其少

日南傳曰南越王尉佗攻安陽安陽王有神人舉

音通高

為安陽王治神弩一張一發萬人死三發殺三萬人佗  
退遣太子始降安陽不知通神人遇無道理通去始有  
姿容端美安陽王女眉珠悅其貌而通之始與珠入庫  
盜鋸截神弩亡歸報佗佗出其非意安陽王弩折兵挫  
浮海奔竄

華陽國志曰秦襄王時有一白虎常從郡遊巴蜀傷害  
千餘人昭王乃重募有能殺虎者賞邑萬家閬中夷廖  
中能作白的之弩乃登樓射殺白虎昭王嘉之以其夷

不欲封刻石盟要曰秦犯夷輸黃龍一雙夷犯秦輸清酒一鍾夷人安之

又曰鄧芝征涪陵見玄猿抱子在樹上引弩射之中猿母其子為拔箭以木葉塞瘡芝乃歎息曰嘻吾違物之性其將死矣投弩水中芝後果死

會稽典錄曰鍾離權謂朱育曰大皇帝以中國多騎欲以當之然吳神鋒弩射三里貫洞三四馬騎敢近之乎南越志曰龍川有營澗嘗有銅弩牙流出水皆以銀黃



雕鏤取之者祀而後得曾有取此牙逢風雨舉船淪沒  
父老云越王弩營處也

雜記曰東吳朝鴻臚卿張儼議郎張純鎮南將軍朱異  
三人共詣驃騎將軍朱據據曰三賢屈顧老鄙相聞含  
甘湏之明懷終賈之才相饑渴久矣各為賦一物然後  
乃坐乃各賦所見異賦弩曰南岳之幹鍾山之銅應機  
命中射隼高墉

吳越春秋曰陳音對越王曰弩生於弓弓生於彈彈生

於古之孝子臣聞楚琴氏以弓矢之勢不足以威天下  
遂乃橫弓着臂施機設樞加之以力郭為方城守臣子  
也教為人君命所起也關為守禦檢去止也錡音奇又音機為

侍從聽人主也臂為道路通所使也弓為將軍主重負  
也弦為軍師禦戰士也矢為飛客主教使也金為實敵  
往不止也衛為副使正道里也縹為都尉執左右也鳥  
不得飛獸不得走弩之所向無不恐者王曰善子之說  
弩也願復聞正射之道陳音對曰臣聞射之道左足縱

右足橫左手若附枝右手若抱兒右手發左手不知此  
正射持弩之道也

戰國策曰蘇秦為楚合從說韓王曰天下之良弓勁弩  
皆自韓出射六百步之外

文子曰狡兔得而獵犬烹高鳥盡而強弩藏

淮南子曰兵如植木弩如羊角

慎子曰弩弱而矜高者乘於風也身不肯而行合者得  
助於衆也

淮南子曰烏號之弓谿子之弩

南方谿子蠻夷  
柘弩皆美材也

不能無

絃而射越艇

渠容切

蜀艇

共小艇艇  
大皆一木

不能無水而浮

又曰鈃不可以為刀銅不可以為弩鐵不可以為弓木不可以為釜

又曰萬畢術云牛翁十四可以強弩

取牛翁十四枚曲  
蟠白頸者二十以

三尺新布裹之沽塗布着之無令  
入見用之弩令溫引之校半力也

阮子曰世多善弩而拙於弓弓無法准故任巧由意弩

有法准故易有善

枹朴子曰秋以弓弩在前

太公六韜曰陷堅陣敗強敵以大黃參連弩大扶月車  
三十六乘才士強弩矛戟為翼太公兵法曰神后加四  
仲者以為明堂宮時天一出遊八極之外行窈冥之中  
日照其前月照其後當此之時天一自持玉弩執法丞  
相刻不道者崔寔政論曰永平建初之際去戰未久官  
兵勁利有蔡太僕之弩擅名天下

風俗通曰汲令應郴

一作余  
鎮父

夏至日請主簿杜宣賜酒

時北壁上懸赤弩照於杯中見其形如蛇宣惡之然不敢不飲因得胃腹病攻治不差柳後知之過宣家問疾之由以為蛇入腹中柳繞廳事思惟良久顧懸弩曰此是乎乃扶宣來於故處設酒杯中致復有蛇因謂宣曰此壁上弩影耳非有他怪宣意解病即瘳

又曰臧丈仲家欲炊而失釜及弓弩自行

十洲記曰續弦膠或名連金泥此膠能屬連弓弩斷弦連刀劍斷折之金膠連使人挽掣他處即斷此終不復

脫天漢二年帝事北海祠恒山西國王使至獻膠四兩  
吉光毛裘武帝受以付庫不知膠裘二物之妙也以上  
貢不奇稽留使未遣之帝幸華林苑射虎而弩弦斷使  
者從駕因上膠一分使口濡以續弦帝驚乃使武士數  
人對擊終日不斷膠青色如璧玉吉光毛裘黃色蓋神  
馬之類也裘入水經月不沉入火不焦帝乃重之厚賂  
使者而遣之

趙公王琚

音居

教射經曰弩古有黃連百竹八檐雙弓之

號今有絞車弩中七百步攻城拔壘用之擘張弩中三百步步戰用之馬弩中二百步馬戰用之弩張遲臨敵不過三發所以戰陣不便於弩非弩不利於戰而將不明於弩也不可雜於短兵當別為隊攢箭注射則前無立兵對無橫陣復以陣中張陣外射番次輪迴張而復出射而復入則弩不絕聲敵無薄我夫置弩必處其高爭山奪水守隘塞口破驍陷堅非弩不尅殺法令曰張弩後左廂丁字立當弩八字立高植手音宣屈衫襟左手



象撞右手迎上當心看張張有闊狹左脰在膊還復當  
心安箭高舉射敢遠擡弩頭敵近乎身放敵在左右迴  
身放敵在高上挈脚放放箭訖唱殺却掣拗蝎尾覆弩  
還着地

太白陰經發弩圖篇曰弩者怒也言其聲勢威嚮如怒  
故以名其弩也穿剛達堅自近及遠守險塞口破驍陷  
堅非弩不尅也

後漢李尤弩銘曰粵自近古發意所覩前聖制弓後世

造弩機牙發矢執破醜虜克獲雖屢猶不可常忘戰者  
危極武者傷

魏陳琳武軍賦曰弩則幽都筋角恒山壓幹通肌暢骨  
直矢輕弦當鋒摧決貫遐洞堅

陸機七導曰長角三倡武士旗布捺紫間之神機審心  
中而後射

東觀漢記云朱初理馬援表曰羗及殺吏唯狄道為國  
堅守然民饑餓噉弩煮履援救倒懸之急存幾亡之城

蔡邕幽州刺史議曰幽州突騎冀州強弩為天下精兵  
國家瞻核四方有事未嘗不取辦於二州

暨艷集雜移曰角弩既調射者又工多獲鷓鴣能無懇  
傷

文選曰機不虛倚

又曰虞機發留鷓鴣

又曰良將勁弩守要害之處

射雉賦曰擊牙低鋌心平望審

又曰黃間機張鋌折毫芒俯貫魴鱖仰落雙鶴魚不及  
竄鳥不及翔

又曰毅金機馳鳴鏑剪爵毫落勁翮

太平御覽卷三百四十八

欽定四庫全書

太平御覽卷三百四十九

宋 李昉等 撰

兵部八十

箭上

字林曰箭天竹也

字統曰箭者竹之別形大身小葉曰竹小身大葉曰箭  
箭竹主為矢因謂矢為箭

開元文字曰東南之美者會稽之竹箭焉箭篠也自關而東謂之矢自關而西謂之箭箭者竹名因以為號也三鏃謂今筩射箭也平題今戲射箭也鏃稜也題頭也說文曰箭矢也從竹前聲

釋名曰矢指也言其所指向迅疾也又謂之箭箭進也其本曰足矢形似木木以下為本以根為足又謂之鏃鏃敵也可以禦敵也齊人謂之鏃言其所中皆族滅也關西曰鈺鈺鉸也音校言有鉸刃也其體曰幹言挺幹也

其旁曰羽如鳥羽也鳥須羽而飛矢須羽而前也齊人曰衛所以導衛矢也其末曰括括會也與弦會也括旁曰義形如義也方言曰箭自關而東謂之矢江淮之間謂之鏃關西曰箭

郭璞注曰箭者竹名因以為號也

楊雄方言曰凡箭鏃三者謂之羊頭其廣薄而長薄謂之錐

爾雅曰東南之美者會稽竹箭焉

注云會稽山名今在山陰縣南竹箭篠也

又曰金鏃翦羽謂之鏃骨鏃不翦羽謂之志

郭璞注曰金鏃金鉞箭也骨鏃今之骨箭是也  
不剪謂以鳥羽自然淺深不復翦之使齊也

孫卿曰浮游作矢

世本曰夷牟作矢

黃帝  
二臣

太公兵法曰箭之神名續長

趙氏兵書曰矢一名信往

易曰得金矢利艱貞吉

又曰射雉一矢亡終以譽命

書曰周成王崩垂之竹矢在東房

垂舜共工  
所為也



詩曰周道如砥其直如矢

又曰弓矢既同

又曰舍矢如破

又曰既張我弓既挾我矢發彼小豝殪此大兕

又曰束矢其搜

搜衆意動急也  
五十矢為束

禮記曰古男子生桑弧蓬矢六以射天地四方天地四方者男子之所有事也故必先有志於其所有事

又曰月令仲冬云是月也伐木取竹箭

注云此時堅  
成可伐取也

又曰后妃執弓挾矢於高禩之前

又曰乘丘之役圍人浴馬有流矢在白肉公曰非其罪也遂誅之

周禮曰東南曰揚州其山鎮曰會稽其澤藪曰具區其川三江其浸五湖其利金錫竹箭

又曰司弓矢掌八矢之法八矢一曰枉二曰絜音潔三曰

殺四曰鏃五曰矰六曰箛七曰恒八曰庠凡枉矢絜矢利火射用諸守城車戰殺矢鏃矢用諸近射田獵矰矢

弗矢用諸弋射恒矢庫矢用諸散射此八矢者弓弩各有四焉蓋枉殺矰恒弓所用也絜鏃弗庫弩所用也

左傳曰魯莊公以金僕姑射南宮長萬

杜預曰  
矢名也

又曰狄人伐衛公與石祁子玠與甯莊子矢使守曰以此贊國擇利而為之

又曰祝聃射王中肩王亦能軍

又曰楚子與莫敖氏戰于臯澣

臯澣  
楚地

伯棼射王汰斬及

鼓跗着於丁寧

伯棼越椒也車轅汰過也  
箭過車轅上也丁寧鉦也

又射汰斬以

貫笠輟師懼退王使巡師曰吾先君文王克息獲三矢  
焉伯棼竊其二盡於是矣鼓而進之遂滅若敖氏

又曰呂錡射恭王中目王召養由基與之兩矢使射呂  
錡中項伏弣而死以一矢復命

又曰郄克傷流血及屨未絕鼓音曰余病矣張侯曰自  
始合而矢貫予手及肘予折以御左輪朱殷豈敢言病  
吾子忍之

又曰齊師遁晉州綽及之射殖綽中肩兩矢夾脰

又曰楚君以鄭故親集矢於目

鄢陵戰晉射中楚王目也

又曰齊子淵捷從泄聲子射之中楯凡繇胸汰輶七入

者三寸

又曰孟之側後入以為殿抽矢策馬曰馬不進也

不微伐善

穀梁曰偏弓鑿矢不出境

偏當為教鑿矢矢各皆天子之器也

論語曰子曰直哉史魚邦有道如矢邦無道如矢

家語曰子路見孔子孔子曰何好對曰好長劔孔子曰

以子所能加之以學豈可及乎子路曰南山有竹不扶

自直斬而時射達於犀革以此言之何學為孔子曰括而羽之鏃而礪之其入不益深乎子路再拜

國語曰吳晉會于黃池吳王擐甲陳卒赤旗赤羽之矜望之如火

又曰仲尼在陳有隼于陳侯之庭而死楛矢貫之石弩矢長尺有咫陳惠公使人以隼如仲尼之館問之仲尼曰隼之來也遠矣此肅慎氏之矢也昔武王剋商通道于九夷八蠻

註說苑云百蠻

使各以其方賂來貢使無忘職業

於是肅慎氏貢楛矢石砮其長尺有咫先王欲其令德

之致遠以示後人使永鑑焉故銘其括

括 錫書切名也 括箭羽之間

曰

肅慎氏之貢矢以分大姬配虞胡公而封諸陳古者分  
同姓以珍玉展親也分異姓以遠方之職貢使無忘服  
也故分陳以肅慎之矢君若使有司求諸故府其可得  
也使求得之金櫝如言

櫝 櫃也 愚公使有司求之故府 得肅慎矢於金櫝也 中如仲尼

之所  
言也

史記曰魏公子無忌進兵擊秦秦軍解去遂救邯鄲趙

王及平原君自迎公子平原君負鞬音為公子先引

漢書曰李陵擊匈奴一日五十萬矢皆盡虜攻急陵歎曰復得數十矢足以脫矣

又曰匈奴右賢王圍李廣廣為圓陣外向矢下如雨漢兵死者過半

又曰婁煩射項羽弓發矢欲到羽怒目叱矢乃墮地煩亦恐死

又曰李廣夜行見石如虎蹲射之其矢沒羽



續漢書曰來歙擊隗囂守畧陽城大戰登城相射乃發  
屋斷木為箭

東觀漢記曰耿弇與張步戰天中弇股以佩刀截之左  
右無知者

又曰上拜寇恂河內太守恂移書屬縣講兵肄射伐淇  
園之竹治矢百餘萬

又曰匈奴破離後王安得攻金滿城耿恭以毒藥傅矢  
傳語匈奴漢家箭神中其瘡者必有異因發強弩射之

虜中矢者視瘡皆沸並大驚相謂曰漢兵神真可畏也  
遂解去

魏志曰挹婁在扶餘東北千餘里弓長四尺如弩楛長  
八寸青石為鏃

又曰陳琳曰矢在弦上不得不發

魏畧曰孫權乘大船出濡須口來觀魏軍曹公使弓弩  
亂發射之矢着其船船乃偏重箭墮將傾權因迴船復  
以一面受矢矢均船平乃放船而走

蜀志曰雲長為流矢所中貫其左臂醫者曰矢鏃有毒當須破臂刮骨也

晉書石季龍載記曰石韜起堂于太尉府號曰宣光殿梁長九丈石宣視而大怒斬匠截梁而去韜怒增之十丈宣聞之恚甚使楊杯牟皮牟成趙生等緣獼猴梯而入殺韜置其刀箭而去

又毛寶傳曰寶軍縣兵少噐仗濫惡大為祖煥桓撫所破寶中箭貫髀徹鞍使人蹋鞍拔箭血流滿鞞

又桓玄傳曰達枚回恬與祐之迎擊玄矢天下如雨玄嬖人丁仙期萬蓋等以身蔽玄並中數十箭而死

崔鴻十六國春秋西秦錄曰白蘭王吐谷渾阿柴臨卒呼子弟謂曰汝等各奉吾一隻箭將玩之地下俄而命母弟慕延曰取汝一隻箭折之延折之又曰汝取十九隻箭折之延不能折柴曰汝曹知單者易折衆則難摧戮力一心然後社稷可固言終而卒

又後燕錄曰慕容盛行至西樂遇盜陝中盛曰我六尺

之軀入水不溺在火不焦汝欲當鋒乎試豎爾手中箭  
百步我若中之宜慎爾命如其不中當束身相授盜行  
豎箭盛一發中之盜曰相試耳資而遣之

宋書朱齡石弟超石傳曰阿簿千步騎十萬屯河北岸  
超石以軟弓小箭射虜

又曰謝靈運山居賦云其竹則二箭殊葉四若齊味

注云

二箭一者若箭大  
葉一者若箭細葉

又曰朱修之傳曰魯秀擊襄陽修之發連弩射秀秀亦

發連弩應之修之使軍人緣水拾箭

又曰謝莊傳云時河南獻舞馬詔群臣為賦莊所上其辭迎調露於飛鍾赴承雲於驚箭

齊書曰陳顯達傳云顯達桓姥音莫補切宅大戰破賊矢中

左眼拔箭而鏃不出北黃村潘姬善禁先以釘釘柱姬禹步作氣釘即時出乃禁顯達目中鏃出之

三國典畧曰梁以護軍將軍六法和為郢州刺史封江乘縣公法和嘗軍次白帝謂人曰諸葛孔明可謂名將

吾目見之此城旁有埋弩箭鏃一斛許因令掘之果如其言

北齊書曰郎基字世業遷海西鎮將梁吳明徹攻海西基糧仗皆盡乃削木為箭剪紙為羽得圖解還朝僕射惜勞之曰卿本文吏遂有武畧木箭紙羽皆無故事班墨之思何以過之

後魏書曰世宗幸鄴還於河內懷界帝親射矢一里五十餘步侍中高顯等奏伏見御弧矢臨原弋遠弦動羽

馳鏃所逮三百餘步臣等伏惟陛下聖武自天神藝夙

茂巧會駟虞之節妙盡矍

音居均反

圃之儀威稜攸疊尅

音胡

甘反兕懾氣才猛所振勅慙弭心足以肅截九區赫服八

宇矣盛事奇迹必宜表述勒銘射宮永彰聖藝

後周書曰王傑魏恭帝元年從于謹圍江陵時柵內有  
人善用長稍戰士將登者多為所斃謹令傑射之應弦  
而倒登者乃得入餘衆繼進遂拔之謹喜曰濟我大事  
者在此箭也



又曰賀拔岳既遇害于河曲太祖乃率輕騎馳赴平涼時齊神武遣長史侯景招引岳衆太祖至安定遇之謂景曰賀拔公雖死宇文泰尚存卿何為也景失色對曰我猶箭耳隨人所射安能自裁景於此即還

又曰庾信傳云信常有鄉關之思作哀江南賦以致其意云兩觀當戟千門受箭白虹貫日蒼鷹擊殿

又曰長孫晟傳云晟與汝南公獵見二雕飛而爭肉因以兩箭與晟曰射取之晟彎弓馳往遇雕相攫一發雙

貫焉

唐書曰太宗討劉黑闥常於肥鄉列陣太宗親率左右擊之有一突將勇壯絕人直衝太宗刃將接太宗以天策上將大箭射之中心洞背應弦而斃遂傳此箭於北蕃突厥見而驚歎又常輕騎近出遇三騎皆賊中驍勇有名者舉槍而進左右請避之太宗不從待其將至連發三矢相次皆斃敵人懾氣焉

又曰貞元十四年貢武舉并應百隻箭及三十隻箭等

今年權停時諫議大夫田敦因蒙召對奏言兵部武舉等每年常數百千人持挾弓矢出入皇城間恐非所宜上聞而瞿然故命停之其實武舉者每歲不過十數人時議惡敦貴欲非短舊事奏議不實自是訖于貞元更不復置

太公六韜曰陷堅陣強敵大黃參連弩飛鳧電景矢自

副註云飛鳧電景矢名飛鳧尺莖白羽以綱為首電景青莖尺羽以綱為首綱一作鐵

太公金匱曰武王伐殷丁侯不朝尚父乃畫丁侯三向

射之丁侯病遣使請臣尚父乃以甲乙日拔其頭箭丙  
丁日拔其目箭戊巳日拔其腹箭庚辛日拔其股箭癸  
亥日拔其足箭丁侯病乃愈四夷聞皆懼越常氏獻白  
雉

太平御覽卷三百四十九